




Σ VIII. 44.

155995

Σ

Biblioteka Jagiellońska



stdr0002699



587324

Mag. St. Dr.

Σ


VIII. 44.



1825

Theology paper







SYNODUS  
PROVINCIALIS  
GNESNENSIS  
PROVINCIAE,

S U B

ILLUSTRISSIMO & REVERENDISSIMO DOMINO

D. MATHIA LUBIENSKI

Dei & Apostolicæ Sedis Gratiâ  
ARCHIEPISCOPO GNESNENSI,

Legato Nato, Regni Poloniae  
Primate & Primo Principe.

VARSAVIÆ

*Annæ Domini. Millesimo Sexcentesimo Quadragesimo Tertio  
Die Octava Mensis Novembris.*

CELEBRATA.

---

Ibidem.

*In Officina PETRI ELERTS R.M. Typographi, Anno D. 1646.*



✠  
INNOCEOTIUS PP. X.

*AD PERPETUAM REI MEMORIAM.*

**M**ilitantis Ecclesiæ regimini, nullis licet nostris  
suffragantibus meritis, divinâ dispensatione  
præpositi, ex injuncti Nobis muneris debito,  
felici prosperoq; Ecclesiarum quarumlibet statui & dire-  
ctioni sedulò intendimus, atq; hæc, quæ propterea  
præsertim per earundem Ecclesiarum Præsules piè &  
providè facta fuisse comperimus, ut firma perpetuò  
subsistant, inviolatèq; observentur, Apostolicæ Nostræ  
confirmationis munimine roboramus, prout ad Divini  
cultus, ac Catholicæ religionis incrementum, anima-  
rumq; Christi fidelium salutem conspiciamus in Domi-  
no salubriter expedire. Cùm itaque sicut ex literis  
Venerabilis Fratris Matthiæ Archiepiscopi Gnesnen-  
sis, per Dilectum filium Joannem Matthæum Judicki  
Archidiaconum Pomeraniæ in Ecclesia Vladislavienti,  
& Canonicum Gnesnensem, à Clero Regni Poloniæ  
ad nos pro præsentī confirmatione obtinenda missum,  
accepimus, ipse anno Millesimo Sexcentesimo Quadra-  
gesimo tertio, Synodum Provinciale celebraverit, in  
ipsaq; Synodo nonnulla Decreta, quæ à Venerabilibus  
Fratri-



Fratribus nostris S. R. E. Cardinalibus Sacri Concilii  
Tridentini Interpretibus, jussu nostro, accuratè perle-  
cta, & recognita, ac ubi opus fuit emendata sunt,  
condita fuerint. Nos egregiam ipsius Matthiæ Ar-  
chiepiscopi, & Venerabilium Fratrum Episcoporum  
Comprovincialium suorum pietatem, & Catholicæ re-  
ligionis zelum, ac in nos, & hanc Sanctam Sedem  
devotionem summooperè commendantes, & communi  
in illa Provincia eorum Decretorum observationi quan-  
tum cum Domino possumus consulere volentes, Sy-  
nodi præfatæ, quam eidem Matthiæ remittimus, statu-  
ta, sic, ut præfertur recognita, & emendata, ab omni-  
bus & singulis personis Ecclesiasticis, tam Sæcularibus,  
quàm cujusvis Ordinis Regularibus, ac aliis in digni-  
tate Ecclesiastica constitutis, ad quos quomodolibet  
spectat, inviolabiliter observari præcipimus & manda-  
mus, eundemq; Matthiam Archiepiscopum & Episco-  
pos Comprovinciales suos præfatos hortamur in Do-  
mino, & attentè monemus, ut Decreta præfata, juxta  
eorum formam & tenorem, in suis Diocesibus publi-  
cent, & illa publicari, atq; ab omnibus & singulis di-  
ctæ Provinciæ personis sæcularibus & regularibus ali-  
isq; præfatis in omnibus, & per omnia integrè, ac sub  
sententiis, censuris, & poenis in eis forsan contentis,

A

recipi,



recipi, admitti, observari, præstari, & debitæ executioni demandari faciant. Decernentes neminem ab eorum observatione quovis prætextu & causa se excusare debere, ac irritum & inane, si secus super his à quoquam quâvis auctoritate scienter vel ignoranter contigerit attentari. In contrarium facien: non obstantibus quibuscunque. Datum Romæ apud Sanctum Petrum, sub Annulo Piscatoris die XVIII. Decembris M.DC.XLV. Pontificatus Nostri Anno secundo.

*M. A. Maraldus.*

L I T E R Æ

*EMINENTISSIMI CARDINALIS CARAFE.*

Perillustis & Reverendissime Domine uti Frater.

**S**ynodum Provinciam, quam Amplitudo Tua, & Comprovinciales Episcopi, nuper in unum convenientes, ad morum reformationem, ad Ecclesiasticæ disciplinæ conservationem, ad decus Episcopalis officii, isthîc salubriter celebravêre; quamquæ per specialem Procuratorem Rñdum Dñum Joannem Matthæum Judicki Canonicum Gnesnensem & Archidiaconum Pomeraniæ, ad Summum Pontificem & Sanctam Apostolicam Sedem, examinandam, corrigendam, & approbandam, misit, delatam jussu Sanctissimi Dñi Nostri, & ex proprio munere ad Sacram Congregationem Eminentissimorum Patrum Sacri Tridentini Concilii Interpretum, & maturè perlectam, examinatam, atq; in necessariis correctam,  
ad can:



ad eandem Amplitudinem Tuam, per ipsummet Procuratorem remittimus, ut opus ad populi salutem, Cleriq; reformationem, multis vigiliis multisq; laboribus Ampli: Tuæ, & Cœpiscoporū inceptum, & continuatum, lucem publicam aspiciat, fructusq; pariat, quos veneranda tantorum Patrum pietas sibi ab initio proposuit, quosvè ex intimis visceribus ipsa Romana Ecclesia tanquam communis Mater exposulat, quæ inter gravissimas curas quibus angitur, solitudine quâ tenetur omnium Ecclesiarum, non potuit eximiam Religionem, devotumq; in se nuper exhibitum obsequium Praclarissimorum Antistitum, summis laudibus non efferre & plurimum in Domino latari, quod Rempublicam istam, tam sacris Infulis, quàm Magistratibus rectissimè administrantes, & tam spiritualia quàm temporalia imperia propagantes, non minus invisibilibus, quàm visibilibus inimicis murū aneum Domus Israël præferre studeant. Quæ quidem insignia facinora, sicuti nullum hortationibus locum relinquunt, sic eandem Apostolicam Sedem ad majora in dies edenda Maternæ charitatis suæ testimonia excitant ac impellunt, ut in harū redditione fusiùs refert idem Rñdus Dñs Archidiaconus Pomeraniæ, qui tantâ sedulitate, tantoq; studio segeffit in Confirmatione hujusmodi promovenda & confutandis sæpiùs excitatis objectis, ut non solum ipsi diuturna in expeditione mora non sit imputanda, quæ solum multiplicitati opponentium debetur; quin imò ipsius solertiæ tribuendum, quòd post longas contradictiones finem tandem invenerit. De cætero Ampli:



Tuæ annorum seriem, & Cælestium Charismatum eam  
precamur affluentiam, quibus piissimos pro Ecclesia &  
Republica susceptos labores, felici exitu valeat ad omipo-  
tentis gloriam coronare, Romæ 24. Februarii 1646.

Amplitud: Tuæ

uti Frater studiosus

Petrus Aloysius Cardinalis Carafa.

Franc. Paulinus S. C. C. Secr.

à tergo.

Perillustri & Reverendissimo Dño uti Fratri, Domino Ar-  
chiepiscopo Gnesnensi Regni Poloniæ Primati.

Quod itaq; reliquum est, nos easdem Constitutiones in lu-  
cem damus, & per presentes publicamus, atq; ab omnibus per  
Regnum Poloniæ & Magnum Ducatum Lichvanie recipi &  
observari percipimus, ad quod uti omnes & singulos per eas-  
dem Ditiones Primatiali & Metropolitana nostra iurisdic-  
tioni subjectos hortamur, ita pronis animis facturos confi-  
dimus, præsertim accedente Illustrissimorum & Reverendissi-  
morum Dominorum Lociordinariorum studio, quod hac in re  
non defuturum certo Nobis pollicemur. Adijci præterea ad  
calcem ejusdem Synodi Nostræ curavimus nonnulla Aposto-  
lica nupera Rescripta & Decreta, quorum alia cum cate-  
ris Provinciis & Regnis nobis communia, alia huic dun-  
taxat Regno & Provinciæ nostræ Gnesnensi sunt accommo-  
data. Quæ omnia ut ad Divinæ gloriæ incrementum, felix  
Ecclesiarum Nobis commissarum regimen, & discipline Ec-  
clesiasticæ conservationem, cedant; Divinam bonitatem toto  
corde supplex oro. Ex arce Uniejo-viensem, die 12. Mensis  
Augusti Anno Domini M.DC.XLVI.

ACTA



ACTA

CONSTITVTIONES  
SYNODI PROVINCIALIS.

Anno Domini, Millesimo Sexcentesimo  
Quadragesimo Tertio, die Dominico, quæ  
fuit dies Octava Mensis Novembris Var-  
viæ inchoatæ, & quatuor sequentibus  
continuatæ.

**I**N Nomine Sanctissimæ & Individuæ  
TRINITATIS, Patris, & Filii, & Spi-  
ritus Sancti. Synodus Provinciæ Gnesnen-  
sis, Anno Domini Millesimo Sexcentesi-  
mo Quadragesimo Tertio, Indictione  
Undecimâ, Pontificatus Sanctissimi D.N.  
D. URBANI Papæ VIII. Anno vigesimo primo, pro  
die Octava Mensis Novembris, Varſaviæ in Ecclesia  
Collegiata Sancti Joannis, legitimè celebrata. Præsi-  
dente Illustrissimo & Reverendissimo Domino D. MATHIA  
ŁUBIENSKI Dei & Apostolicæ Sedis gratiâ Archiepisco-  
po Gnesnensi, Legato Nato, Regni Poloniæ Primate,  
primoque;



primoq; Principe. Præsentibus autem Illustrissimis &  
 Rñdissimis Dominis Comprovincialibus Episcopis, PETRO  
 GEMBICKI Cracoviensi, NICOLAO ALBERTO ab Olexow  
 GNIEWOSZ Vladislaviensi & Pomeraniæ, ANDREA de  
 Szoldry SZOLDRSKI Poſnaniensi, ANDREA GEMBICKI Lu-  
 ceoriensi, ALEXANDRO TRZEBINSKI Præmiſiensi, Vice-  
 cancellario Regni, GEORGIO TYSZKIEWICZ Samogitiæ,  
 PAULO PIASECKI Cheſmeniſi, ALEXANDRO SOKOŁOWSKI  
 Kiioviensi, ANDREA à Leſzno LESZCZYNSKI Camenecen-  
 ſi, NICOLAO KROSNOWSKI Vendenſi, ac Illustrissimi &  
 Reverendiſſimi Dñi STANISLAI GROCHOWSKI, Archiepi-  
 ſcopi Leopoliensis nomine LUCA WITKOWSKI Canonico  
 Leopoliensi, Séreniſſimi Principis Poloniæ & Sveciæ,  
 CAROLI FERDINANDI Vratislaviensis & Płoceniſis Epiſco-  
 pi, Illustriſſimo & Rñdmo Dño ALEXANDRO TRZEBIN-  
 ſki Episcopopo Præmiſiensi Vicecancellario Regni, GASPARI  
 DZIALYNSKI Culmeniſis & Pomezaniæ, GEORGIO ALE-  
 XANDRO DORPOWSKI Canonico & Officiali Generali Cul-  
 meniſi, PETRO PARCZEWSKI Smolenciſi, Episcoporum;  
 necnon Illuſtribus & Adm Reverendis Dñis, ALEXANDRO  
 GLEMBOCKI Archidiacono, STANISLAO ŚLAWINSKI Can-  
 cellario, SIGISMUNDO CIELECKI Canonico Gneſneſi: AN-  
 DREA SRZĘDZINSKI Episcopopo Nicepolieſi: Suſfraganeo Le-  
 opoliensi, JOANNE TARNOWSKI Archidiacono, & GEOR-  
 GIO GROCHOWSKI Canonico Cracovieſi: STEPHANO CASI-  
 MIRO CHARBICKI Præpoſito, SEBASTIANO GROTKOWSKI J.U.  
 D. Archidiacono Vladislaviensi, JOANNE BRANECKI Ar-  
 chidiacono Płoceniſi, ALBERTO GRABOWSKI Canonico  
 Poſna-



Poſnanieſi: GASPARO ZALIŒSKI Archidiacono Vilnenſi;  
 PAULO POTRYKOWSKI J.U.D. Archidiacono Puſtovieneſi  
 in Eccleſia Cathedrali Płoczeſi: JOANNE KRAIEWSKI Ca-  
 nonico Płoczeſi: PETRO USZYNSKI Decano, VALERIANO  
 WILCZOCORSKI J.U.D. Archidiacono Luceorienſi, STE-  
 PHANO à Siecin SIECINSKI Cantore Præmiſlienſi, GEOR-  
 GIO ŁOPACINSKI J.U.D. Archidiacono Samogitiæ, ALE-  
 XANDRO DOPROWSKI Canonico & Officiali Generali Cul-  
 meſi: CHRISTOPHORO BAKOWSKI Decano Chełmenſi, PE-  
 TRO PRZESPOLEWSKI Canonico Kijovieneſi, CASIMIRO OPA-  
 CKI Decano Camenecenſi, JOANNE ROWINSKI Smolen-  
 ſcenſi, Capitulorum Nunciis. Reverendiſſimis item  
 Dominis, JOANNE MADALENSKI Epifcopo Theodoſieſi: Suſ-  
 fraganeo Gneſneſi: Landenſi, STANISLAO de Boguſławice  
 SIERAKOWSKI Sanctæ Crucis, PAULO GOSLAWSKI Paradi-  
 ſienſi, THEODORO PAWŁOWSKI Bledzovieſi: CHRYSOSTO-  
 MO GORAZDOWSKI Płocenſi, Abbatibus. JOANNE STRZEM-  
 BOSZ Mſtovieneſi, ANDREA FAUSTO UNIKOWSKI Koſcielneſi:  
 NICOLAO JASKOLSKI Strzelneſi: ALBERTO TOLIBOWSKI Pło-  
 cenſi, Sanctæ Mariæ Magdalena, Præpoſitus. Illuſtri-  
 um quoque & Rñdiſſimorum Dñorum, JOANNIS GEM-  
 BICKI Præpoſiti Miechovieſi: JOANNE SACALSKI Cuſtode  
 Miechovieneſi, STANISLAI ZAREMBA Sulejovieneſi, STANI-  
 SLAO CZECHOWSKI Priore, SAMUELIS PLAZA Vitovieneſi,  
 MARTINO PAWLIKOWSKI, JOACHIMI MſTOWSKI Coricenſi,  
 CAROLO CZARLINSKI Conventus Peplinensis Profeſſo, LE-  
 ORNARDI REMBOWSKI Peplinienſi, FABIANO THIEL Supprio-  
 re Olivenſi, ALEXANDRI KESOWSKI, STANISLAO BAGNIE-

WSKI



WŚKI Priore, NICOLAI DUNIN Obrensi Abbatum legitimis ex causis absentium, Admodum Reverendo Dño ALEXIO DUBOWICZ Archimandrita Vilnensi, Nunciis; peracto sacro ritu solenni per Illustriss: Dñum Archiepiscopum Gnesneñ: Missæ officio, invocataq; Spiritus Sancti gratiâ, susceptum Synodi negotium aggressi sunt, & ad Decreta Statutaq; synodalia facienda processerunt.

*De professione Fidei.*

**A**D testificandam in Religione Catholica & obedientia Sedis Apostolicæ constantiam, inhærendo Decreto SS. Concil: Trident: *Sess: 25. de Ref: cap: 2.* Illustrissimus Dñus Archiepiscopus in prima hac sua post sui ad Archiepiscopatum evectionem Synodo, cum reliquis Illustrissimis & Reverendissimis Dñis Episcopis, ac aliis supramemoratis, Fidei Professionem ex formula PII IV. faciendam decreverunt, feceruntq;.

Cum sæpè contingat ad beneficia præsertim in Cathedralibus & Collegiatis Ecclesiis eos promoveri, qui per Procuratores fidei professione factâ, & possessione beneficiorum aditâ, ipsi nunquam Ecclesias dictorum beneficiorum accedunt, & de altari viventes, altari servire prorsus negligunt, præsens Synodus statuit, ut quemadmodum SS. Concilii Trident: Decreto de beneficiis quibuscunq; curam animarum habentibus provisi, professionem fidei intra duos menses à die adeptæ possessionis coram Episcopo vel ejus Vicario facere obligantur, ita etiam Cathedralium & Collegiatarum Ecclesiarum Prælati &



lati & Canonici, post Canonicam ad Prælaturas & Canonicatus institutionem, saltem intra sex mensium spatium Ecclesias Prælaturarum, Canonicatumq; suorum personaliter accedere, & Catholicam Religionem ex formula Bullæ supramemoratæ in Capitulo profiteri teneantur, sub poena in memorato Concilii Decreto expressa, ac etiam privationis, si quis Prælatorum aut Canonorum crescente contumaciâ, ultra annum, personalem ad Ecclesiam Canonicatusq; sui accessum, & fidei professionem distulerit, nisi fortè ob justas & legitimas causas à Sede Apostolica approbandas præscriptum accedendæ Ecclesiæ, emittendæq; professionis tempus prorogari, rigoremque Constitutionis præsentis relaxari oporteat.

Illustrissimi quoque & Reverendissimi Domini Archiepiscopi & Episcopi intra sex mensium tempus, ab accepto ad capiendam possessionem Brevi, ad Ecclesias suas ingrediantur, Bullas provisionum in Capitulis exhibeant, & professione fidei factâ, juxta formam in Pontificali Romano præscriptam, juramentum solitum secundum formulam, quæ habetur in Capitulis Ecclesiarum Cathedralium, sine ulla exceptione, restrictione, limitatione, & interpretatione præstent.

*De Rescriptis Sanctæ Sedis Apostolicæ.*

**M**ulta utilissimè ad bonum Ecclesiæ Dei regimen à Sede Apostolica constituuntur, quæ quia ad notitiam hujus Provinciæ non deveniunt, executioni debitæ mandari non possunt. Supplicandum igitur suæ Sancti-



tati censet, & supplicat præsens Synodus, ut Bullæ omnes & Constitutiones, quæcunque Româ ad Illustrissimos Dominos Nuntios dirigantur, pro faciliori notificatione, quorum muneris erit curare, ut eæ Archiepiscopis, Episcopis, totiq; Provinciæ Polonæ innotescant.

### *De Festis.*

**P**Eculiarem nonnullarum hujus Provinciæ Dioecesum erga Conceptionem Beatissimæ & immaculatæ Virginis devotionem, præsens Synodus universis Dioecesibus cupiens esse communem, ut memoratæ Conceptionis Festum, cum Octava per totam Provinciam ex devotione tantum celebretur, monet & hortatur.

Breve Beatificationis Beati Josaphat Archiepiscopi Polocensis, ad instantiam Episcoporum & Monachorum Sancti Basilii Græci ritus, Actis suis Synodus inseri, & per totam Provinciam publicari voluit, & mandavit; atq; suæ Sanctitati supplicandum pariter censuit, & supplicat, ut diem ejusdem Beati Martyris non solum per Provinciam Polocensem, ac totam Metropolim Russiæ, sed etiam per totam Poloniam, à Sacerdotibus Latini ritus, Officio & Missâ de Communi unius Martyris, celebrandi sua Sanctitas faciat potestatem.

Ut in tanta Parochianorum à Parochialibus Ecclesiis distantia, & temporum necessitate, ex religiosis animis laboriosæ plebis, quàm de dimidiatorum (ut vulgò vocant) Festis Ecclesiæ præceptum sollicitam reddit & anxiam omnis scrupulus eximatur, quod Constitutione

Macie-



Maciejoviana statuitur, ut diebus Festis Transfigurationis, Præsentationis, Sanctæ Mariæ ad nives, Divisionis Apostolorum, Vinculorum Petri, Conversionis Pauli, Sanctorum Lucæ & Marci Evangelistarum, Gregorii, Ambrosii, Hieronymi, Augustini, Ecclesiæ Doctorum, populus auditâ Missa laboribus & operis liberè vacet, id consilii non præcepti vim habere declarat Synodus, & alias juxta Constit. S.M. URBANI Papæ VIII. de observatione Festorum quæ incipit: *Universa*. Ut autem omnia Regni Patronorum officia ritè & ordine suo peragantur, ad ea ordinanda Illustrissimum & Rndmum Dñum Georgiū Tyfzkiewicz Episcopū Samogitiæ Synodus deputavit;

*De Casibus reservatis.*

**V**T commoditati & memoriæ Parochorum & Vicariorum omniumq; Confessariorum consulatur, casuum Papæ & Ordinariis reservatorum, Cathalogum & Indicem typis recudendum Sancta Synodus censet: atq; ut in omnibus Ecclesiis in quibus confessiones audiuntur, sellis confessionalibus affixi habeantur, & audientibus confessiones in promptu sint, autoritate præsentis Decreti, mandatur omnibus Parochis, Commendariis, Vicariis, & quibuscunq; Pœnitentiariis, sub pœnis Illustrissimorum DD. Lociordinariorum, aut eorum Officialium, vel etiam Archidiaconorum in Visitationibus, ac Decanorum Ruralium in Congregationibus arbitrio infligendis.



*De redimendis Captivis, & Ministris Hæreticorum  
Ecclesiæ reconciliatis.*

**I**Nter præcipua Christianæ pietatis officia censentur ea, quæ non minùs corporibus quàm animabus exhibentur, quo in genere cum jure meritò ponatur & numeretur Christianorum in potestatem infidelium devenientium, & miseram cum præsentissimo defectionis à religione periculo servitutem servientium redimendorum, & liberandorum cura, eam præsens Concilium suscipere constituit. Cùm autem ad eum effectum Illustrissimus olim Andreas Lipski Episcopus Cracoviensis summam decem millium florenorum per Executores ipsius Testamenti in bonis Reverendissimi Dñi Pauli Piaſecki nunc Chelmenſis tunc Camenecensis Episcopi Biskupice dictis, atq; in Palatinatu Lublinensi sitis, ex censu reemptionali locatam, & per eundem Reverendissimum inscriptam legaverit, & Generosus olim Samuel Targowski Villam suam hæreditariam donaverit, & ejusdem redditus perpetuis temporibus pro redemptione Captivorum converti voluerit, præsentis Synodi autoritate, Illustrissimis & Rñdissimis Dñis Poſnaniensi & Camenecensi Episcopis committitur, ut diligenter attendant, ne summa, & Villæ memoratæ, censusq; & fructus inde provenientes, præter intentionem testatoris & donatoris disponantur & convertantur. Atque ad similia Christianæ pietatis opera, cùm se ipsam tum omnes Christi fideles exhortatur, exhortariq; in publicis concionibus omnibus Verbi Dei Prædicatoribus mandat, & præcipit.

Non



Non minor quàm captivorum habenda est cura Ministrorum hæresim ejurantium, ut rerum ad usum necessarium sufficientia, & conversis omnem poenitentiae vel saltem tentationis occasionem subtrahat, & ad conversionem proclives ad Matris Ecclesiae gremium alliciat & impellat, maximè cum multi non contumaciâ voluntatis, sed famis & inopiæ metu in errore dicantur persistere, putenturq; non difficile hæresim detestaturi, si suis vitæ & victus rationibus ab Ecclesia prospectum esse videant. Proinde Illustrissimi & Rndm Dñi Archiepiscopi & Episcopi Catholicæ Religionis, & perditarum animarum quærendarum zelo, charitatisq; proximi ardore, promiserunt se, in sua quemq; Dioecesi de congrua & convenienti reconciliatorum Ecclesiae Romanæ Ministrorum sustentatione, pro statu & conditione cujusq; provisuros.

Ac inprimis, ex residuo relictæ hæreditatis Illustrissimi olim & Rndm Dñi Jacobi Zadzik Episcopi Cracoviens: quam ille vir propagandi honoris Divini studiosissimus, & æternâ memoriâ dignus, in pios usus & pauperum subsidium effundi voluit, Illustrissimus & Rndissimus Dñus Archiepiscopus Gnesnens: uti Primarius ejus Testamenti Executor, accedente aliorum Còexecutorum consensu, svasu multorum Illustrium Virorum, Centum millia Floren: in sustentationem redeuntium ad Ecclesiam Catholicam Ministrorum assignavit: nimirum ut præfatis Centum millibus Florenorum, in bonis terrestribus ex censu redemptionali collocatis, census ab eis proveniens  
primò



primò & præcipuè inter Ministros hæresim ejurantes, tum etiam inter alios, qui relicto errore ad Ecclesiam Catholicam redibunt, quotannis distribuatur. Cujus quidem rei cura Venerabili Capitulo Ecclesiæ Cathedralis Cracoviensis commissa & demandata est.

*De ratione augendi Proventus Vicariorum in Ecclesiis Collegiatis.*

**P**Rælatorum & Canonicorum in plerisq; Collegiatis Ecclesiis rari aut pauci plerumq; residere, prout tenentur, solent: quòd beneficia in Ecclesiis majoribus habeant aut sperent; Vicariorum autem, quibus totum propè Prælatorum & Canonicorum onus & aliquando etiam animarum cura incumbit, proventus adeò sunt, & tenues, ut vix uni aut alteri sustentando sufficiant, atq; ita sit, ut Ecclesias propè desolari, cantumque & Divina officia conticescere sit necesse. Ne igitur Ecclesias præfatas desolari, & cultum Divinum negligi contingat, poterunt Illustrissimi Dñi Locorum Ordinarii ad præscriptum S. Concilii Trident: *Sess: 21. cap: 5. & cap: 13. & 15. Sess: 24. de Reform:* respectivè exiguos Vicariorum, præsertim curam animarum habentiũ, proventus augere,

*De Provisionibus Vicariorum non deferendis.*

**Q**uamvis S. Concilii Tridentini Decreto, & Pastoralis Illustrissimi olim Bernardi Maciejovii S. Romanæ Ecclesiæ Cardinalis & Archiepiscopi Gnesnensis Constitutione providentissimè cautum sit, ne Clericus sæcula-



ſæcularis cum dedecore ordinis mendicare, aut ſordidum aliquem queſtum facere, ſedibuſvè incertis vagari cogatur; ideoquè quamvis aliàs idoneus ad Ordines Sacros, niſi beneficium, aut aliquam proviſionem certam & congruam habere ſciatur, admitti, ac Eccleſiam in qua proviſus erat, inconſulto Ordinario, vel ejus Officio, dimittere prohibeatur: quia tamen pleriq; Vicarii ſimul ac ad Sacros Ordines promoti fuerint, proviſiones ſuas, ad quas ordinati ſunt, deſerere conſueverunt, ac eo ipſo non obſcurè demonſtrant, ſe fictis & ementitis titulis. Ordinariis, Archidiaconis, & Examinatoribus impoſuiſſe, atq; in fraudem Ordines obtinuiſſe, præſens Synodus Decretum S. Concilii Trident: & Conſtitutionem Marci-jovianam ad executionem omninò deducere cupiens, ſtatuit, ut ad Vicariatus Parochialium præſertim Eccleſiarum ordinandi, non ſolùm Eccleſiam in qua proviſi fuerint, inconſulto Ordinario, aut ejus Officio, ſub pœna ſuſpenſionis ab executione Ordinum, non dimittant; ſed etiam coram Aſtis Ordinarii, vel Officialis, in cujus territorio eſt Eccleſia, cui adſcribi ſe velle præſeferunt, jurent ſe abſq; Ordinarii vel ejus officii expreſſo, & in ſcriptis obtento conſenſu, Eccleſiam proviſionis non dimiſſuros; nec Rectoribus Eccleſiarum abſq; ejusmodi conſenſu quemquam Vicariorum ad Eccleſias ſuas recipere poterunt, ſub pœna centum Marcarum, pro redemptione captivorum applicanda.

*De Scul.*



### *De Scultetiis.*

**S**Cultetiæ glebæ adscriptæ iu bonis Archiepiscopalibus, & Episcopalibus, quæ obsequiis Domino præstandis oneratae sunt, possessoribus & eorum successoribus legitimis, nonnisi ex causa inutilitatis adimantur, cum certum sit rem familiarem plerumq; melius ab hæredibus successorum, certis & suorum æquè ac sua commoda spectantibus & quærentibus, quàm à temporaneis & advitalibus, & alienum successorem accepturis, Dominis administrari; ob eamque causam & Scultetias desolationi minùs obnoxias, & obsequia Scultetorum Episcopis debita, certiora diuturnioraq; futura meritò sperari possit. Quam Constitutionem etiam ad Molendina, quæ certo numero definita, vel tertias qualq; frumentorum mensuras, prout conventum est, pendunt, extendi expedire, nec ea unquam nisi molitoribus peritis concedere visum est Synodo. Privilegia super Advocatiis ab Illustrissimo & Reverendissimo Dño Archiepiscopo & Episcopo data cessionariò, nulla sint. Advocatiæque successoris Archiepiscopi vel Episcopi dispositioni subjaçant, nisi cessio advocati possessoris & Capituli consensus viginti saltem diebus mortem aut translationem Archiepiscopi vel Episcopi dantis præcesserit.

### *De pensione Judicum deputatorum.*

**C**um dignum esse operarium mercede suâ, & neminem suis militare stipendiis Divina humanaque decernant, jura, Judicum ad Generale Regni Tribunal deputa-



deputatorum, qui Ecclesiis utilem, non sine sua molestia, labore, sumptu, ac invidia, navant operam, maxima habenda est ratio. Et quia prorogato Judiciorum Lublinensium tempore, auctus est & Deputatorum numerus, stipendium etiam augeri censuit Synodus oportere. Itaque Illustrissimi & Reverendissimi DD. Archiepiscopi & Episcopi, ac Rndissimi DD. Abbates, & Præpositi præsententes à se, Nuntii verò absentium à suis Prælatibus promiserunt, singulos Illustrissimorum & Reverendissimorum Dñorum Archiepiscoporum, & Episcoporum, Abbatum, & Præpositorum, suæ quemq; Ecclesiæ & Diocesis deputato, usitatam hactenus pensionem duplicaturos, eam tamen lege & conditione, ut quod ab Episcopis Græci ritus pensionis nomine conferetur & contribuetur, id solis Ecclesiarum Russiæ deputatis debeatur. Si tamen Petricoviam pro electione Mareschalci convenerint, & Lublini continuò resederint, aliàs si die electionis Mareschalci Petricoviam se non stiterint, & Lublini continuè non manserint, à participatione stipendii excludantur.

*De Procuratore ad causas Clericorum in Judiciis.*

**D**E bonis, decimis, censibus, pauperum Parochorum ac aliorum Clericorum, per Procuratores Illustrissimorum & Rndissimorum DD. Archiepiscoporum & Episcoporum vindicandis, omnes retroactarum Synodorum Constitutiones, quæ à Sede Apostolica approbatæ fuerint, autoritate præsentis consilii renovantur & reassumuntur. Sed nè soli Illustrissimi Domini fovendorum dictorum

C

Procu-



Procuratorum onere graventur, & propriarum impensarum metu, rem Ecclesiis adeò utilem, impedian, aut morentur & negligent; expedire visum, est, singulas in posterum Dioeceses habere in Tribunalibus præsertim Regni, litium causarumq; Ecclesiarum suarum Patronos, qui Ecclesiis eorumq; Rectoribus, non solum Illustrissimorum & Rndmorum DD. Archiepiscoporum & Episcoporum, liberalitate, sed etiam certa Dioecessani Cleri pensione obligentur. Quæ quidem pensio à Locorum Ordinariis per Decanatus constitui, & à Decanis ruralibus servari, ac inde sumptus in necessarias, & per officium Locorum Ordinariorum permissas lites subministrari, & demùm, quòd eo nomine à Decanis acceptum fuerit, id finitâ & obtentâ causâ eisdem Decanis restitui, debet.

#### *De Gratiis.*

**V**T Illustrissimi & Reverendissimi DD. Archiepiscopi & Episcopi habeant, unde Prælatorum & Canonicorum residentium, ac familiarum, quorum promptam, crebram, diligentem ac utilem, in Ecclesiarum negotiis experiuntur operam, obsequia & merita remunerentur, nec in unius sinum omnes copiarum congerentur; Villæ, decimæ, & aliæ gratiæ, quæ à mensis Archiepiscopalibus & Episcopalibus dependent, nulli qui Episcopatum Regni, vel beneficium Regulare, sive in titulum, sive in Commendam assecutus fuerit, & in gremio Capituli non fuerit, conferantur, & statim post assecutionem Episcopatus, vel beneficii Regularis, dimissamq; in Cathedrali  
Præla-



Prælaturam vel Canonicatum, ipso facto dispositioni Illustriſſimorum DD. Archiepiſcoporum & Episcoporum ſubjaceant, nec ullus contradicendi locus relinquatur.

*De Clericis fugitivis.*

**A**ccidit nonnunquam, Sacerdotes, aliosq; Clericos, conſcientiâ delictorum, promeritarumq; & per ſententiam latatum poenarum metu, ſolum vertere, & deſertis Eccleſiis ac beneficiis ad alienas Dioceſes commigrare. Quare Sacra Synodus Eccleſiarum orbitati conſulere cupiens, ſtatuit primum, ut ejusmodi profugarum beneficia ſequeſtrentur, & fructus fabricæ Eccleſiarum applicentur. Deinde ſi per edictum publicum citati in decurſu trium menſium non redierint, poenis arbitrariis puniantur, & poſtquam de illorum reſidentia innotuerit, ad requiſitionem Ordinarii, Eccleſiarum & beneficiorum deſertorum, per officium in cujus territorio commorabuntur, capiantur: & ad officium loci in quo deliquerunt remittantur. Atq; ut efficaciùs his Clericorum transfugiis occurratur, nullus Clericus ad ullam alienæ Dioceſis Eccleſiam ſine ſui Ordinarii dimiſſoriis recipiatur & admittatur. Quod ſi quis Reverendiſſimorum DD. Episcoporum, aut eorum Officialium, ad Dioceſim & territorium ſuum, aut Rectorum Eccleſiarum, ad ſuam Eccleſiam hujusmodi transfugam, delictorum poenas fugientem, abſq; prædictis dimiſſoriis receperit, aut admiferit, Episcopus quidem poenâ in Concilio Provinciali decernenda puniatur, Officialis autem &



Ecclesiæ Rector mulctâ centum Marcarum sine ulla veniæ spe mulctetur, ad præscriptum S. Concil: Trid: cap: 1. sess: 23. & cap: 5. sess: 24. de Reform:

*De Musica docenda.*

CUM ob imperitiâ cantus magna sit tam in Cathedralibus & collegiatis Ecclesiis Vicariorum, quàm in Parochialibus Cantorum penuria, intermissum Musicæ studium omninò revocandum censuit Synodus, atq; ut in omnibus Civitatibus Oppidis, & Pagis, ubi major est Scholarium frequentia, Parochi & ij ad quos scholarum gubernatio, & admittendorum & dimittendorum cantorum cura spectat, Cantores habeant artis canendi peritos, qui singulis diebus horam integram continuam, vel interpellatam, prout illis commodius videbitur, impendant imbuendæ Musicæ præceptis juventuti; quod etiam in Seminariis, quæ reguntur à Patribus Societatis Jesu observandum erit, in quibus etiam erudiri poterunt ij, qui in illis non aluntur, pro arbitrio tamen Rectorum eorundem Seminariorum.

*Clerici habitu decenti & modesto utantur.*

UT per decentiam habitus extrinseci (quemadmodum loquitur S. Concil: Trident:) morum honestatem ostendant Clerici, omnia superiorum Synodorum de habitu Clericorum decreta autoritate hujus Concilii renovantur, & specialiter prohibetur, nè comas absque causa raritatis capillorum aut calvitii, ad portentosam proli-



prolixitatem promittant; nevé rubris, violaceis, ceruleis, aut alterius quàm nigri coloris sutannis, palliis, & ut vulgò vocant palendris, & curtis vestibus, præsertim in Ecclesia, ac etiam extra domum, aut pretiosis pellibus, passim sine ullo nobilis & plebejæ conditionis discrimine (exceptis Prælatis, & Canonicis Cathedralium & Collegiatarum insigniorum Ecclesiarum, Doctoribus, ac familiaribus Illustrissimorum Dñorum Episcoporum) utantur; aliàs quicunq; Clericus comatus, post mensem à publicatione præsentis Concilii, aut clarioris nigro coloris veste, in Ecclesia, aut extra domum, curtâ & non talari veste indutus foris, nisi fortè in itinere, vel itineris procinctu, aut pretiosis pellibus, exceptis supramemoratis, apparuerit, Prælatus quidem & Canonicus Cathedralis & Collegiatæ Ecclesiarum, in quibus distributiones habentur, per mensem à perceptione refectionum sit suspensus, alii verò beneficiati pœnâ decem marcarum puniantur, & mulctæ quæ eo nomine exactæ fuerint, in fabricam Ecclesiarum convertantur. Si verò emel correpti denuò in hoc deliquerint, etiam per privationem officiorum & beneficiorum cœrceri possunt, juxta Concil: Trid: Sess: 14. cap: 6. de Reform:

*Quomodo occurrendum sit Presbytericidiis.*

**F**Requentatæ nuper Presbyterorum cædes, nos admonent, ut & securitati hominum Ordinis Ecclesiastici prospiciamus, & sacrilegiis, quibus impii Clericidæ suas obstringunt animas, occurramus; omnes & singulos  
Cleri-

Clericos præsens Synodus verbis S. Concil: Trid: hortatur, ut conversatione, sermone, & scientiâ, commissio sibi Dei populo præeant; memores ejus quod scriptum est: *Sancti estote, quoniam & ego sanctus sum;* & juxta Apostoli vocem, *nemini dent ullam offensionem, ut non vituperetur ministerium eorum, sed in omnibus exhibeant se sicut Ministros Dei:* nihil enim Sacerdotibus majorem populi amorem & venerationem conciliat opinione sanctitatis. In particulari autem, abstineant Clerici à nimia familiaritate, & longis præsertim de nocte conviviis, & computationibus secularium: nam & familiaris consuetudo contemptos plerumq; reddit quos vulgavit, & intempestivi præsertim ad pocula, tesseras, & chartas luforias confessus, jurgiis & conviciis proximam præbent occasionem, à quibus deinde venit ad manus, fustes, gladios, vulnera & cædes. Quodsi nihilominus Clericidium, committi contingat, statutum de excommunicatione contra authores publicanda diligenter servetur, nec non pœna interdicti, ad præscriptum alterius Synodi Provincialis Gnéfnensis, sub titulo *de panis Fel: record:* GREGORII XIII. confirmatæ 8. April: 1578.

*Exorcismorum usus passim non permittendus.*

EXperientia cognitum est, in locis ubi Sacerdos qui exorcismos exercet, & sine discrimine quoslibet exorcizat, habitat, ac in tota vicinia plurimos præsertim mulierculas, quas imaginatione aut alio naturali morbo laborare contingit, maleficiatas & à dæmonibus obsessas sibi videri,



videri, opinionem futilem & vanam, exorcistâ per imperitiâ, aut etiam commodi & emolumenti sui causâ foyente, multaq; absurda ex occasione exorcismorum accidunt, quæ rifum & cachinnos in Ecclesiis movent, & scandala pariunt, veramq; miraculorum & super dæmonia potestatis, in Ecclesia Dei relictæ fidem elevant. Quare nè quisquam Sacerdotum aut Clericorum tam sæcularium, quàm Regularium, exorcismis passim super eos, qui à dæmonibus obfessi, aut maleficiati esse putantur, absq; licentia Ordinarii in scriptis obtenta utatur, seriò prohibet Synodus, sub pœnis arbitrio ejusdem Ordinarii contra delinquentes decernendis. Licentiam autem prædictam Illustrissimi Dñi Locorum Ordinarii concedere non debebunt, priusquam de Exorcistarum vita, moribus, doctrina, inquiretur; exorcisandi modus ac exorcismorum libri per Theologos diligenter examinentur & approbentur.

*De bonis Archiepiscopalibus, & Episcopalibus, ac  
juribus Capitulorum.*

Quæ olim ad conservandam bonorum Archiepiscopaliū integritatem, & statum, in diversis Synodis constituta sunt, & sparsim in statutis Provincialibus lib: 1. de officio Ordinarii Anno Dñi 1561. § *Deinde ut omnes* lib: 5. cap: 11. Epistola Pastoralis *de conserv: bon: & Jurium Ecclesiasticorum*, in Synodo Gembiciana tit: *de bonis mensæ*, in Wężykoviana, *de Revisione bon:* scripta reperiuntur, ea omnia præsens Concilium renovat & omnino

minino servari vult, & præcipit: ac quædam alia non minus utilia & necessaria adjungens: statuit: Nè Illustrissimi & Reverendissimi DD. Archiepiscopi & Episcopi, aut ipsorum factores, ab injuriis ad capitula deferendis prohibeant, aut minis & verberibus deterreant subditos, nevé se de querelis eorundem subditorum à Capitulis admoneri gravatè ferant, cùm & ad Capitulorum officium pertineat, indemnitati bonorum, & subditorum Archiepiscopalium & Episcopalium providere, & Illustrissimorum DD. Archiepiscoporum & Episcoporum, estimationis conscientiaq; plurimùm interfit, pauperum gemitum, quem aliquando diligens multò sibi faventiùm familiarium cura ab auribus DD. submover, per fidelem sui Senatus relationem exaudire, & sublatis gemendi causis comprimere.

Item statuit, nè de injuriis præsertim gravioribus & enormioribus subditorum, ut sunt homicidia, stupra, stigmata, unquam componatur, aut si componere expedire visum fuerit, non sine consensu & interventu Capitulorum componatur & transigatur.

Quia verò nonnullorum Monasteriorum, præsertim eorum, quæ per Commendas à Clericis sæcularibus administrantur, fabrica prorsus est neglecta; Sacra Synodus ruinas Monasteriorum prohibere satagens decernit, ut omnes Reverendissimi Regularium beneficiorum Administratores & Commendatarii, aut certam Monasteriorum ruinosorum partem emendare & restituere, aut pecuniæ quotam, circa suas ad Monasteria receptiones, per Illustrissi-



strissimos & Reverendissimos DD. Locorum Ordinarios definiendam, pro fabrica & supellectili Ecclesiastica, ad manus Priorum quotannis tradere teneantur: qui Priores restituendorum ædificiorum sartorumq; tectorum Monasterii curam habeant, & accepti & expensi Commendatariis unà cum aliquo de gremio Cathedralis Ecclesiæ per Illustrissimum & Rndmum D. Loci Ordinarium deputando, reddat rationem.

In administratione bonorum mensæ Capitularis, ac aliis juribus Capituli, observetur decretum Sac: Concil: Trid: *sess: 25. cap: 6. de Reform: & Constitutio Gembiciana cap: de iurisdic: Capituli.* Prælati verò & Canonici, ac reliqui omnes beneficiati, ut bona ad Prælaturas & Præbendas, beneficiaq; sua pertinentia, vindicare, tueri, & conservare studeant: eorumq; meliorem semper faciant rationem, ab Illustrissimis Dñis Locorum Ordinariis moneantur, & damna ac vastitatem, si quæ culpâ & negligentia ipsorum in bonis Ecclesiasticis accidit, præstare teneantur, & per sequestrationem fructuum, qui in restaurationem bonorum desolatorum convertantur, aut alio juris remedio compellantur. Villarum item quæ à Mensis Archiepiscoporum & Episcoporum avulsæ, Capitularibus vel extra Capitularibus personis ad vitam, vel ad certum annorum decursum, aut ad aliud quomodocunq; limitatum tempus, concessæ sunt, revisio de triennio in triennium instituitur; & si ex revisione constiterit possessorem seu gratialistam bonorum sibi concessorum, deteriore fecisse conditionem, aut æstimationem damni,

mini, intra tempus ab Ordinario definiendum solvat, aut possessione moveatur.

*Constitutio Węzykoviciana de temere litigantibus innovatur, & declaratur.*

**C**onstitutionem Illustrissimi olim clarissimæ memoriæ Joannis Węzyk Archiepiscopi Gnesnensi, de temere litigantibus, in Synodo Varsaviensi factam, innovandam & reassumendam censet, innovatq; & reassumit. præsens Synodus, cum ea declaratione, ut in repentinis & subitis casibus, in quibus præsens injuria subitam, & repentinam requirit justitiam, nec ad Ordinarium facilis est recursus, locum non habet.

*De Suffragiis mortuorum.*

**M**issis cum Vigiliis pro defunctis antiquis Constitutionibus decretas, innovat Synodus, atque singulis Trimestribus seu quartualibus, die aliquo Quatuor temporum celebri ad populum, festo non impedito institui mandat, & præcipit.

*De unione Ruthenorum promovenda.*

**C**onstitutionem Maciejovianam, quæ Schismate Græco divisam Christi Ecclesiam unire cupit & satagit, & ad Pastoris Pastorum votum & gloriam, Ruthenorum Ecclesiæ cum Romana Unionem promovendam, omniq; favore prosequendam, censuit præsens Concilium renovare, & ritus Græci Sacerdotum & Clericorum percusso.



percussores in Canonem? Si quis, &c: incidere, nec à Confessariis Latini ritus sine speciali Sedis Apostolicæ authoritate & licentia absolvi posse declarat, juxta tamen Juris communis dispositionem: ac sæ Sanctitati supplicat, ut quod jam olim Romana desideravit Ecclesia magnoq; ad unionem adjumento fore putatur, Calendario Gregoriano Ruthenis uti liceat.

Porro ut quâ charitate Clerus Romanus Ruthenos unitos complectitur, eandem ipsi Clero Romano exhibeant, monitos esse vult, monetq; Sacra Synodus, nè prærogativas, & jura Episcoporum, Cleriq; Romani sibi usurpent, aut impendant; utq; Illustrissimorum titulis abstinuant, torquibus aureis nonnisi ad Missam utantur, Monasticum Sancti Basilii habitum deferant, decimas Latino Clero nefas esse solvi aut reddi non doceant, neq; à suis Popis doceri permittant, nec quidquam quod juribus Latinorum Sacerdotum præjudicet committant. Quodsi in aliquo præmissorum vel similium deliquerint, coram Illustrissimo D. Commissario à Sede Apostolica deputando, conventi respondere, judicatumq; pati tenebuntur.

### *De Regularibus mendicantibus,*

SACROS Religioforum cætus, magno semper usui & subsidio Ecclesiæ fuisse, & esse fatetur & agnoscit, Sacra Synodus; sed cum ex certa constantique omnium ferè Illustrissimorum DD. Episcoporum, Capitulorum, & Rectorum Parochialium Ecclesiarum relatione, gravium cum suo dolore intellexisset, nonnullos Regularium,

Ecclesias & Capellas, privatâ authoritate erigere & benedicere; nec non Missas in privatis ædibus Laicorum legere; divinissimum Sacramentum clam & in sinu ad infirmos deferre, ubi hæresis non grassatur; confessiones sæcularium, absq; approbatione Locorum Ordinariorum; etiam extra sui Ordinis Ecclesias, & casus necessitatis audire, Capellanos, Musicos, pennuarios seu promos & condos apud homines privatos utriusq; sexus, agere, ac alia forsan scandala Regularium, quæ disciplinam Ecclesiasticam dissolvunt, Jurisdictionem Episcopalem violant, Regularem observantiam tollunt, oculos & animos fidelium offendunt; nullo modo id sibi ferendum putavit Synodus. Atq; memorati Regulares monentur, ut se intra limites Claustrorum, Institutorumq; suorum contineant, ab Jurisdictionis Episcopalis usurpatione, & Sacramentorum, præter præscriptum Sacrorum Canonum Concili Trident: & Bullæ Gregorii XV. administratione, Divinissimi Sacramenti irreligiosa gestatione, Missarumq; in locis privatis celebratione, & familiaribus sæcularium cujuscunq; conditionis, obsequiis & ministeriis desistant, & abstineant, omninòq; extra Claustra non solum delinquere, sed etiam degere caveant, aliâ Illustrissimos & Rndissimos Dñs Locorum Ordinarios, jure sibi competenti, in contra facientes, prout juris usuros & processuros, Concilium denuntiat: atq; ipsis Illustrissimis DD. Ordinariis, eorum Officialibus, ut utantur, & procedant, authoritate Sacrarum Constitutionum injungit. Monentur etiam Rndissimi Dñi ex Regularibus Episcopi;



Episcopi, ut suæ Religionis habitum quisque deferat.

*De dimissis & ejectis ex Religionibus.*

**N**E dimissi ex Religionibus & Societatibus, non habentes particularia privilegia à Sede Apostolica, præsertim Presbyteri, qui ad titulum paupertatis ordinati sunt, mendicare cogantur, statuit sacra Synodus, nè sine gravibus causis, & autoritate ac scitu Ordinariorum, provisioneq; parata dimittantur, aut certè à Religionibus tam diu sustententur, donec illis decreta aliqua & stabili provisione prospiciatur; cumq; dimissionum hujusmodi prima ferè & maxima causa sit, quòd admodum pueri, & parum deliberata voluntate, persuasionibus variis tempore professionis, ad emittenda vota pelliciantur, hortatur omnes Religionum & Societatum Patres, ut nonnisi maturos, sponteq; suâ inductos, ad Novitiatum admittant. Item statuit eadem Synodus, nè dimissis & ejectis ex Societate Jesu, ad Cathedralium Ecclesiarum Prælaturas & Canonicatus, sine speciali S. Sedis Apostolicæ gratia, aditus pateat.

*De Regularibus.*

**I**N reliquis, quoad Regulares, cujuscunq; Religionis, Congregationis, Societatis, & instituti, observetur Constitut: sã: mern: Gregorii XV. de Exempt: privilegiis incipien: *Inscrutabili Dei providentia.*

*Calices*

*Calices aurei ab Archiepiscopis & Episcopis, Ecclesiis  
Cathedralibus dandi.*

**A**ureum calicem, Illustrissimi DD. Archiepiscopi, Gnesnensis, Leopoliensis, & Cracoviensis, Vladislaviensis, Polnaniensis, & Plocensis, Luceoriensis Episcopi, suis se Ecclesiis daturos, & donaturos Synodaliter promiserunt: quorum exemplum, etsi Successores etiam secuturos, dictosq; calices liberaliter daturos & donaturos, minimè dubitet Synodus; tamen vel largitatis gloriam etiam obedientiæ merito cumulent, auctoritate præsentis Concilii statuitur, ut memorati Illustrissimi Dñi in primo statim ipsorum ad Ecclesiam ingressu, promissos calices dent, & dare teneantur. Reliqui verò Reverendissimi Russiæ Episcopi, qui tenuiores habent redditus, ad similem, quantum rationes eorum patiuntur, liberalitatem invitantur.

*Ne Regularia beneficia à Sæcularibus Clericis sine  
authoritate Sedis Apostolicæ occupentur.*

**P**ræcipiti cupiditate Sæcularium Clericorum, prava, & Sacris Canonibus damnata Consuetudo sensim, introducitur, ut beneficia Regularia, privatâ auctoritate, & antequam administrationis & Commendæ literæ expediantur, occupent: cui corruptelæ maturè obviare cupiens Synodus, pœnas cap: *Avaritia in 6. & Statuti Provincialis lib: 1. de Electione*, contra tales, ad executionem deduci vult, & ut deducantur; ab Ordinariis,  
requi-



requirit, & exigit, sub poena interdicti ab ingressu in  
Ecclesiam.

*Bona Ecclesiastica Judæis non arendentur.*

**I**ndignum est Judæis subijci Christianos; quare proba-  
re non potest nec debet Synodus, quod nonnulli Illu-  
strissimorum DD. Episcoporum Episcopatum suorum  
bona Judæis locantes & arendantes, suum in subditos  
Christianos imperium & jurisdictionem eis communi-  
cent, atq; adeò totaliter in eosdem transferant, ac ut ab  
ejusmodi locationibus & arendis prorsus abstineant, &  
omni in posterum commercio caveant, monet eosdem  
Sacra Synodus.

*In correctione Cleri ordo juris servandus.*

**G**raviter accepit Synodus, quod aliqui Illustrissimo-  
rum DD. Episcoporum, ad extremas Clericorum  
etiam Prælatorum, & Canonicorum Cathedralium &  
Collegiatarum, poenas præcipitanter, & non servato ju-  
ris ordine, proferre præsumant; atque ut in posterum  
in corrigendis Clericorum excessibus gradus Concilii  
Tridentini serventur, innovat statutum *lib. 5. cap. 10.*  
utque liber & securus ad judicia cuique Clericorum  
sit accessus, ab omni specie minarum, & terroris ab-  
stinere debebunt Illustrissimi Locorum Ordinarii, nec  
ullum nisi legitimè convictum pro modo excessus pu-  
nient. Prælatos autem & Canonicos Ecclesiæ Cathedra-  
lis, etiamsi alia beneficia extra Ecclesiam Cathedra-  
lem

lem habeant, in personalibus, finè adjunctis Capitularibus, juxta *cap: 6. sess: 25. de Reform.* non judicent: in realibus autem & circa aliorum beneficiorum officiis delictis, quamvis absque adjunctis judicari poterint: tamen ut nonnisi coram ipsismet Ordinariis, aut ipsorum Officialibus Generalibus, & quidem circa Ecclesias Cathedralis respondeant, præsentì indulgetur. Decreto. Quòd si Illustrissimi Dñi Locorum Ordinarii, non servato juris ordine aut formâ præscriptâ, contra Clericos præsertim Prælatos & Canonicos Ecclesiæ Cathedralis processerint, in Synodo Provinciali causam dicere, & poenam arbitrio ejusdem Synodi subire teneantur.

*Prælati inferiores non residentes habeant suos  
Vicesgerentes.*

**N**ON finè magna cultûs Divini diminutione, & boni in Ecclesiis præsertim Cathedralibus ordinis neglectu, ac suppellectilis Ecclesiasticæ jactura aut periculo, accidit, quòd Prælati, qui suis Prælaturis inferioribus certa Vicariorum regendorum, scholæ dirigendæ, sacre suppellectilis servandæ, curam habent annexam, & ipsi non resideant, & qui ipsorum vices ex usu & necessitate Ecclesiarum obeant, neminem sufficiant; quare ut qui ejusmodi Prælaturas obtinent, in absentia sua per Vicariam alicujus ex Confratribus operam, officiorum suorum partes exequantur & absolvant, præsentì Synodo monentur & jubentur, sub poena sequestrationis certæ partis fructuum, arbitrio Ordinarii, ex præbendis



bendis ipsorum detrahenda; ita tamen ut Prælati abesse non possint, nisi ex causis juxta præscriptum Sacrorum Canonum, & Sacri Concilii Tridentini ac Constitutionis sancti mem: URBANI VIII. super residentia Episcoporum.

*Processus per negligentiam obtenti quomodo tollendi.*

**S**olent nonnunquam super bonis Archiepiscopalibus & Episcopalibus processus per meram factorum negligentiam, obtineri, qui deinde aliter, quàm aut juratis Capitularium ignorantibus, aut pecuniariis pœnis, tolli non possunt; cum autem vix contingere possit, ut de super nihil omninò ad Capitula notitiæ pervenerit, pecuniæ potius jacturâ, quàm conscientiæ famæq; discrimine, dictos processus tollendos esse censuit Synodus.

*Interceptores in Judiciis causarum quomodo puniendi,  
& causa ex Judicio Tribunalitio non advocanda.*

**M**agno incommodo & jactura litigantium, nonnulli Clerici causas ad ultimum Judicii gradum deductas, & supremam sententiam expectantes, intercipiunt, & temporaneis inscriptionibus, aut aliis instrumentis in fraudem confectis, productis, litem propè finitam inchoare compellunt. Quare ut & rationibus litigantium consulatur, & dolosa intervenientium temeritas & audacia reprimatur, statuit Sacra Synodus, ut quicumq; Clericorum causam in Judicio agitari captam, fraude & dolo interceperit, litemq; suam fecerit, carceri per integrum semestrem mancipetur, & exinde dimissus ex Diocesi etiam pro-

am proscribatur. Non sine magno præjudicio Cleri,  
nonnunquam causæ in Judicium Tribunalitium per ap-  
pellationem devolutæ, ad officium Illustrissimorum Do-  
minorum Ordinariorum avocari solent; quod nè in po-  
sterum fiat, & cujusvis justitiæ non impediatur, seriò  
prohibet Synodus.

*Inhibitiones à Judicibus appellationum juxta præscri-  
ptum juris extradende.*

Cum omnes Archiepiscopi & Episcopi, Diocesano-  
rum suorum sint Judices Ordinarii, nec eorum Juris-  
dictio ullo modo imminuenda, turbanda, & impedienda  
sit, statuit Sacra Synodus, ac inviolabiliter observari vult,  
nè Judices appellationum, Inhibitiones, nisi visis Actis  
primæ instantiæ, & juxta formam in Concilio Trident:  
& à CLEMENTE VIII. *Seß. 24. cap. 20. de Reform.* præ-  
scriptam, ex Cancellariis suis edi, & extradi jubeant,  
aut permittant; & aliter editis Inhibitionibus, impunè  
non pareatur. Acta autem Notarius Judicis, à quo intra  
decem dies extradere teneatur, alioquin Judex, ad quem  
ulterius procedet.

*Incorporationes Ecclesiarum Parochialium ad Regulares.*

Cum incorporationes Ecclesiarum Parochialium Regularibus  
Ecclesiis, plurimum & Jurisdictioni Episcoporum derogent,  
& curam animarum reddant neglectiorem; supplicandum cen-  
suit Synodus Regiæ Majestati, nè dictis Parochialium juris patro-  
natus sui incorporationibus, consensum suum præbere, & just  
patronatus donare cuiquam dignetur.

Atq;



Atque ne curam animarum ullatenus negligi contingat, Ecclesias Parochiales juris patronatus quorumcunq; Sæcularium Regularibus uniendi, nullâ deinceps potestâtē habeant Ordinarii.

*Limites inter Vilnensem & Smolenscensem Diocesim designandi*

**P**lurimùm interest diversas Dioceses certis finibus distinguere, quare ut Illustrissimus Dñs Episcopus Vilnensis, suam Vilnensem à Smolenscensi Diocesi dissimilari permittat, curet, & faciat, autoritate Synodi monetur; atque ad limites dictis Diocesibus ponendos, Illustrissimus Dñs Episcopus Samogitiæ cum Capitularibus ex Capitulis, tam Vilnensis, quàm Smolenscensis Ecclesiarum, deputatur.

*De Suffraganeis, Culmensi, Præmisliensi, & Camenecensi.*

**S**upplicat præsens Synodus Sanctitati suæ, ut in erectione & expeditione Suffraganeatum, Culmensis, Præmisliensis Ecclesiarum, ob amplitudinem earum Diocesum, non difficilem se præbeat.

*Causa Decimarum inter Clericos & Regulares, intra fines Regni decidentur.*

**N**E Ecclesiæ præsertim Parochiales debitis fraudentur obsequiis, & pauper Clerus diuturnis ac imparibus vexetur exhausturque impensis, supplicat Synodus suæ Sanctitati, ut Causæ & lites inter Clerum sæcularem, maximè ratione Decimarum, in Judicium deductæ, intra fines Provinciæ decidentur, salvâ tamen appellatione ad Sedem Apostolicam,

*De Usuriis.*

**G**ravi cum suo dolore referri audivit Synodus, nonnullos etiam Ecclesiastici Ordinis, atq; adeò Regularis observantiæ homines, fœnori dare pecuniam, & merè ex mutuo, prohibita & damnata, eaq; non exigua lucra, sinè ullo conscientiæ scrupulo, pacisci & quærere; necessarium igitur censuit Synodus, omnes Christi fideles admonere, Usurarios gravissimo peccato, & à quo absolvi non possunt nisi restituerint, quidquid ultra,

sortem acceperint, sese obstringere, & si manifesti fuerint, ab Altari repelli, ac nisi resipiscant excommunicatos denuntiari, ac demum, Ecclesiasticâ privari sepulturâ, a sacris Canonibus juberi & decerni, quas poenas usuris & usurarius, & vetera Provincialia statuta proposuerunt, & præsens proponit.

Ne autem per ignorantiam animas fidelium gravibus peccatorum & censurarum vinculis onerari & alligari contingat, ea peccatorum genera, in quibus & lapsus est proclivior, & animadversio Ecclesiæ rigidior, sæpius animis & memoriæ imprimere & inculcare convenit. Quare Capitula Concilii Tridenti: sess: 22. cap: 11. sess: 25. cap: 20. *contra occupantes quomodocunq; bona &c.* & sess: 24. cap: 8. *de Concubinariis*, & Statuta Provincialia *de foro competenti*, De usuris & sortilegiis, Dominica primâ Adventus, & Quadragesimæ, ac Bullam Coenæ Domini, in Cathedralibus, Collegiatis, Parochialibus, & Regularibus Ecclesiis, publicari, mandat & præcipit Synodus, juxta Decretum Sacræ Congregationis negotiis Episcoporum præpositæ.

*Librorum approbatio, & Bibliothecarum revisio.*

**D**E non imprimendis absq; revisione & approbatione libris, ac revidendis ad minus semel in anno Bibliothecis, Bibliopolisq; suspectos & hæreticos libros vendentibus, renovantur antiqua Provincialia statuta Anni 1402. *de officio Ordinariorum lib: 1. & lib: 4. titulo de Hæreticis lib: 5. cap: 25. & 27.*

Cum autem Excellens Dñus Andreas Petricovius J. U. D. libros ad usum Ecclesiarum necessarios, quorum magna est jam penuria, Rituale sive librum Agendorum, Plalterium, & Constitutiones Synodales, operâ sumptuq; suo impresserit, ac Antiphonarii editionem in dies promittat, indemnitati ipsius præcavendo præsens Concilium prohibet, nè præter eius voluntatem & licentiam, ulli Typographorum prædictos libros, vel eorum compendia imprimere, & Bibliopolarum divendere, ad futurâ Synodum Provinciale, liceat. Quod si quis Typographus meratos libros, aut eorum compendia, sub cuiuscunque titulo Typis mandare, aut Bibliopola vendere, in quacunque Regni Poloniae & Magni Ducatus Lithvaniae Diocesi, absq; speciali præ-

fati An;



fati Andreae Petricovii permissu in posterum præsumpserit, poenis in Constitutione Weżykoviciana Petricoviae sancitis, auctoritate præsentis Decreti subiaceat.

*Ne Clerici Seculares Regularibus Missam in suis Ecclesiis  
cantantibus ministrare audeant.*

**I**nter singularia & propria tam Sæcularium quàm Regularium Ecclesiarum decora & orna nenta, etiam hoc numerari potest & debet, ut sui quisq; Ordinis Ministris circa officia Divina utatur; quare quemadmodum in Ecclesiis sæcularium sacrificanti solemniter sæculari Sacerdoti ministri non assistant Regulares, ita in Ecclesiis Regularium cantanti Missam Regulari ministrare non audeant Clerici sæculares, absq; licentia Loci Ordinarii vel Officialis, idq; sub poena suspensionis ab exercitio Ordinum ipso facto incurrenda.

*De absentibus à Synodo.*

**Q**uamvis poenæ contra absentes, tam in Comitibus proximè præteritis, quàm Synodo præsentī, juxta Constitutiones præteritarum Synodorum, præsertim Weżykovicianæ in Synodo Varsaviensī sancitæ, decernendæ essent; benignius tamen cum illis procedens præsens Synodus, easdem ipsis indulgit & condonavit: nihilominus tamen Constitutionibus supra recensitis innovatis, reassumptis, ac in suo robore & vigore, auctoritate Concilii præsentis, conservatis, roboratis: cum eaq; declaratione, quodsi deinceps Illustrissimi & Rndissimi DD. Archiepiscopi & Episcopi à Comitibus & Synodis, Reverendissimi verò DD. Abbares à Synodis abfuerint, causasq; absentia legitimas juramento probandas non dederint, & Nuntios non solum ad comparandum, sed etiam recipiendum approbandum ea quæ in Synodis constituentur & decernentur, non miserint, sciant poenas in Constitutione Weżykoviciana expressas sibi irremissibiliter solvendas fore; ad quod officium Instigator Synodaliter deputabitur. Insuper si quem ordine inverso vocatum fuisse, vel debito in loco non fuisse, sententiam tulisse, sessionibus interfuisse, & alios quoscunq; actus Synodo durante fecisse contingit, nulli propter

propterea præjudicium aliquod generari, aut novum jus acquiri debere, declarat Synodus.

Porro nè Reverendissimi DD. Episcopi & Capitula, ullum absentiae suae prætextum, aut indictæ Synodo contradicendi causam, vel occasionem habeant, Constitutionem Rndissimi olim Joannis de Lasco Archiepiscopi Gnesnensis, quâ modus indicendæ Synodi præscribitur, Sacra Synodus reassumendam censuit, & reassumit.

*Deputati ad revidendas & corrigendas Constitutiones.*

Cum nonnullos Illustrissimorum & Reverendissimorum Dominorum Episcoporum, urgentibus & legitimis ex causis, arbitum Varlaviâ maturare necesse foret, nec ea quæ Synodaliter constituta sunt relegere, & emendare liceret, Illustrissimos & Reverendissimos DD. ANDREAM SZOLDRSKI Posnañ: ALEXANDRUM TRZEBINSKI Premislieni: ALEXANDRUM SOKOLOWSKI Kijovien: ANDREAM LESZCZYNSKI Camenecensem, Episcopos, Illustrissem & Adm Rndos ALEXANDRUM GLEMOCKI Archidiaconum, SIGISMUNDUM CIELECKI Canonicum Ecclesiæ Metropolitanæ Gnesnensis, JOANNEM TARNOWSKI Archidiaconum Cathedralis Cracovien: Capitulorum, Nuntios ad revidendas, & ex mente Synodi corrigendas Constitutiones, unanimi consensu Synodus deputavit.

*Andreas Szoldrski Episc: Posnanien: Alexander Trzebinski Episcopus Premishensis Vice-Cancellarius Regni. Alexander Sokolowski Episcopus Kijovien: Andreas de Lesno Leszczynski Episcopus Camenecensis, Alexander Glembocki Archidiaconus Gnesnen: Sigismundus Cielecki Traps: Posnamensis Ioannes Tarnowski Archidiaconus Cracoviensis.*

Et ego Adamus Casimirus olim Simonis Oporowicz Archidiaecesis Gnesnensis Presbyter, Sacra Authoritate Apostolica publicus atq; Curia Illustrissimi & Rndissimi Dñi D. MATTHIÆ LUBIENSKI Dei & Apostolica Sedis gratiâ Archiepiscopi Gnesnen: & Actorum Synodaliū Notarius, superscriptis omnibus Decretis, dum sic agerentur interfui, eaq; fieri vidi, audivi, scripsi, & ex Protocolo Actis & originalibus descriptas, ac cum eisdem collationata & auscultata fideliter signo, no min & cognomine solitis in fidem premissorum communivi, rogatus & requisitus.



550  
MATHIAS LUBIENSKI

Dei & Apostolicæ Sedis gratiâ  
ARCHIEPISCOPUS GNESNENSIS,  
Legatus Natus, Regni Poloniæ  
Primas primusq; Princeps.

**U** Niversis & singulis, præsentia Decretâ & Constitutio-  
nes Synodi Provincialis inspecturis, lecturis, & audi-  
curis, notum facimus & attestamur, Reverendum Do-  
minum Adamum Casimirum Oporowicz esse publicum & Acto-  
rum Synodalem fuisse Notarium, ejusq; scriptis & Instru-  
mentis semper & ubiq; debere fidem adhiberi In quorum  
omnium fidem easdem manus Nostrâ subscripsimus & Sigillo  
communiri jussimus. Datum in Palatio Nostro Skwiernievi-  
censi die vigesimâ primâ Martij, Anno Domini Millesimo Sex-  
centesimo Quadragesimo quarto.

Mathias Lubiencki  
Archiepiscopus Gnesnensis.



## A P P R O B A T I O

**N**OS PETRUS ALOYSIUS Tituli S. Martini in Montibus S.R.E. Presbyter Cardinalis CARAFA nuncupatus, nomine Sacrae Congregationis Eminentiſſimorum Cardinalium Concilii Tridentini Interpretum, Fidem facimus & attestamus, Decreta Synodi Provincialis Gneſnenſis in hoc libello deſcripta paginarum numero Triginta Trium: quarum prima incipit, Acta & Conſtitutiones; ultima verò deſinit, Matthias Lubieſki Archiepiſcopus Gneſnenſis, Locus ſigilli, fuiſſe, ut ſupra ab eadem S. Congregatione Concilii emendata, recognita, atq; approbata, eorundemq; Decretorum originale apud eandem Sacram Congregationem remanſiſſe. In quorum fidem has propriâ manu ſubſcripſimus, & ab Inſcripto eiſdem S. Congregationis Secretario ſubſcribi, ſigilliq; Noſtri impreſſione muniri mandamus. Datum Romæ die X. Decembris M.DC.XLV.

*Petrus Aloysius Cardinalis Carafa.*



*Franc: Paulinus S.C.C.S.*



u-  
&  
m,  
ris  
lli-  
as,  
ri-  
m-  
se-  
ate  
di-  
die-

cret  
NIS  
nfr,  
&  
tari-  
com-

U.D.  
Acto-  
is: D.



1825a

